

مستطابق

در سعادتند باب عالی جاده سنده
داره مخصوصه
محل اداره :

افطار :
مسکونه موافق آثار جدیه مع المنوبه
قبول اولنور
درج ابدلین آثار اعاده اولنور

دین ، فلسفه ، ادبیات ، حقوق و علوم دین باحث هفته لقا رساله در

مؤسسه ملی : ابوالعلا زین العابدین - ح . اشرف ادیب

سنه لکی	القی آیفی	درسه دنده
۶۰	۴۰	ولایاتده
۸۰	۴۰	مملک اجنبیه ده
۸۰	۴۰	

تاریخ تأسیسی :
۱۱ نمر ۳۲۴

در سعادتده نسخه سی ۵۰ پاره در

قیرلادن مقوا بورو ایله کوند ریایسه ستوی
۲۰ فروش فضله آلنیر

در سعادتده پوسته ایله کوند ریایسه ولایات بدلی اخذ اولنور.

مولانا عطاء

مقرری
مناسرتی اسماعیل حق
محرری
خ. اشرف ادیب
۵۹ درس — ۸ مابین ۲۲۵

حضرت عمر زمانده بریسی خرسزلق ایتمشدی ، سرقی ثابت اولدی . نه قدر شرائط وارکان وارسه ، خرسزك الی کسمك ایچون نه قدر شروط شرعی عمیق وارسه هبسی تحققی ایتمش ...
قرآنده یوقی ، (السارق والسارقه فافطمو ایدیها) خرسزلك الی کسمك ؟ .. لکن ایشته ، کتب فقهیه به آشنا اولانر بلیرلر ، چوق شرطی وار . هم او یله هر شیئی چالانه ، ولو اقرار ایتسه ، حدسرقه اجرا اولونماز . پك چوق شرائطی ، ارکانی وار . کیمک مالی اوله جق ، نه درلو مال اوله جق ، نصل آله جق ؟ .. بونلر اوزون اوزادی به تفصیل اولنمشدر . هر خرسزك الی کیلمز . بوبابده بر خیلی مسائل وار . هر نه ایسه ایشته هبسی تحققی ایتمش ...
شیمدی شرعاً الی کیلمک لازم . امر ایتدی حضرت عمر : — کسک شوخائک الی ! ..

تمام کسه جکلری بر صروده او حریفک اختیار بر والده سی کلدی ، حضرت عمره : — یا خلیفه رسول ، یا امیر المؤمنین ! دیدی ، او غلم عجمی در . نصلسه جاهلک ایتمش ، برنجی دفعه در . امان . رجا ایدرم ، عفو ایت .

بونک اوزرینه حضرت فاروق نه بیوردی ، بیلیرمیسکز ؟ — (کذبت فان الله لا یعاقب عبدا بول ذنب فعله) یالان سویلیورسک قادی ! بن خلیفه رسول اللهم . بنی می آلداته جقسک ؟ اکر ایلک ایشلیدی کناه اولایدی ، الله اونک باشنه بلا ویرر میدی ؟ کیم بیلیر قاچنجی در ! اکر عجمی اولوبده ایلک دفعه یاپسهیدی الله اورتردی . حضرت پیغمبردن ایشتمشم بن : « الله براورتر ، ایکی اورتر ، اوچنجیده بلاسنی ویرر ، دنیاده آخرتده رذیل و رسوائی ایدر ... » کسک ، کسک ! دیدی .

کسیدردی خائک الی . آنکچون رب العالمین (خوانا ، انیم) دیور . هرکیم تکرار تکرار خائک ایدرسه آرتق او ، مطلقا غضب الهی به او غرار . یوقسه برنجی دفعه ده ، بلمکه اصلاح نفس ایدر ، دیه اورتر . لکن عناد ایدرسه اووقت بلای ویرر ، نه یولده تربیه لازمسه ایدر . واقعا بمضاً مهلت ویرر ، فقط صوکر ، بتون بتون وجودنی قالدیرر . بو منافقلرک سرکشتلری ایضاح اولونه جق .

(یتخفون من الناس ولا یتخفون من الله وهو معهم) قوللردن چکینرلر ، اللهدن حیا ایتزلر . (اذ یبیتون ما لا یرضی من القول)

ویا تر جانک حاضر بولنسی عهد قدیمه اقتضاسنجه لازم کلز . فقط شوزاسی درخاطر اولنلیدرکه بو مثللو محاکمه لر علنی اولوب ارتکاب جنایت و یا خود جنحه ایدنلرک ، مغدوری اولان اجنبیک منسوب اولدینی قولسلوس جانیک حکم و محاکمه سنده حاضر بولنقلنی آرزو ایدرسه کندوسنه بر حرمت مخصوصه اولق اوزره دعوت اولنور وشو اصولک عدم اجراسی حالده حقوقه هیچ برشی ترتب ایتز .

عاشرا : بیک یدیسوز قرق تاریخده یاپلش اولان عهدنامه هایونک الی برنجی ماده سنده درتیک ایچدن زیاده اولان دعاوی دیگر بر محله رؤیت اولغیوب دیوان هایونده حسم وفصل اولنه دیو محرردر .

شو شرط اولوقت دولک بولنلینی احوال عمومیه به مطابق اولدینی حالده چوق سورمیوب منسی حکمنه کیردیکندن بشقه ممالک محروسه شاهانه نک بیوک شهرلرنده تجارت محکمه لرینک و بوکونکی کون بلا استثنا هر یرده محاکم ملکینک تأسیسی تاریخندبرومرعی الحکم دکلدرد .

مذکور شرط تبعه اجنبیه نک کرک مدعی و کرک مدعی علیه صفتیله ذیمدخل اولدقلری دعوالرده جاری اولسی لازم کلوب حالبوکه دول اجنبیه تبعه اجنبیه نک مدعی علیه بولنلینی دعوالرده مذکور شرطک اجراسنه ممانعت ایتدکلرندن تبعه اجنبیه نک یالکز مدعی بولندقلری دعوالره انحصاری مغایر حقانیت اولور .

تبعه اجنبیه نک عهد قدیمه اقتضاسنجه حائر اولدقلری امتیازاتک درجه اهمیت و حدودی بونلردن عبارت اولوب بعض اسباب مختلفه اشبو عهد احکامک اجرا آتنده تأویلات غیر صحیحه ایله سوء استعمال ایدلش اولدیفندن قوانین دولت علیه نک اجرای احکامنه مأمور اولانلرک وظائف متحتمه لرینی ایفا ایدرک و حقوق معززه سنییه ایراث خلل ایده بیلجک هرکونه افعال و حرکاتک وقوعنه ممانعت ایلیرک اشبو سوء استعمالاتک ازاله سنه غیرت ایتلری لازمه دندر .

ایشته عهد قدیمه نک وجودی قوانین و نظاماتک انتظام جریاننه و ممالک دولت علیه ده ترقی مدنیته نه درجه لرده ایقاع موانع ایلدیکی بالدفعات بیان و اثبات اولنمشدر .

بوجهتله سلطنت سنییه عهد قدیمه نک محاذیرینی بر قاتدها اغیرلشدر مقدمه اولان اشبو سوء استعمالاتک تمادی وقوعنه اغماض عین ایده جک اولسه ایضای وظائفده تجویز قصور ایتمش اوله جقدر .» اتی

[مابعدی وار] برکت زاده : اسماعیل مهنی



اللهم رضای اولیان درلو درلو سوزلر، حیللر، کیجهلین برلشیرلر، برطاقم فسادلر قورارلر. بوفعلک مضدری اولان (تبییت) کیجه وقتی مشاوره، مذاکره ایتک مناسنه دز، ..

بونلرده اوילה یامیشلردی. کیجه وقتی طویلاندیلر: «اگر یهودینک دعواسی میدانه چیقارسه قیله من رذیل اوله جق» دیدیلر. اوتهدن بریمی: «بن یمن ایدرم دیدی، البت بنیمینه اینانیر.» دیگرلری ایسه: «بزده یالان یره شهادت ایدرز» دیدیلر. کیجهلین بویله مشورت ایتدیلر. آنک ایچون جناب باری (وهو معهم) دیور. الله حاضردر، خائنلریا بدقلرینی قوللردن کیزلرلر، فقط اللهدن کیزله یه منزلر. چونکه الله برابردر. یخی علم الهی، نزهیه وارسه لر اونلره تعلق ایدر، حاضردر. علم اللهدن خارج برشی اولماز. چونکه مکاندن منزهدر. هر قول ایله برابردر. (وهو معکم این ماکنتم) ده وازیله یرده کیزله نصل یقین ایسه کورده کیزلرده اوילה یقیندر. شرقده نصلسه غربدهده اویلدر. مکان وزمان الهی باغلاماز. هیچ بری یوق ایکن الله واردی. نه زمان، نه مکان، هیچ برشی یوق ایکن او، موجود ایدی. (ولا یتکن بمکان ولا یجری علیه زمان) الله مکانه تمکن ایتمز. اوزرینه زمان کچمز. کیجه، کوندوز، سنه، آی... بزم اوزرمزدن کچر. کیمی شیلر وار کچمشدر، کیمیلرده وار کله جک. فقط بو، قوللره نسبتلدر. الله نسبتله کچمش، کله جک یوق. دنیا نصلسه آخرتده اويله. مکاندن منزه اولدینی جهته بتون امکنه یه نسبتی علی السویهدر. زمان ایله مقید بولونمیدینی ایچون کچمش، کله جک، ماضی واستقبال یوق. ازل نصلسه ابدده اویلدر. اما سنک ذهنگ آلمایور. ذاتاً شؤنات الهیه یی هانکی فکر آلیر؟ فقط عقل بونی ایجاب ایدیور. دلیل، برهان بوحقیقی میدانه قویور. مادامکه مکانسزاق جهته بتون خلائقه مابیندر، زمانده اويله. مادامکه زمانیده خلق ایتمش، مکان کبی، حادثات اشیا کبی تقید ایتمز؛ احوالده کچمش نصلسه استقبالده اویلدر. انکچون نه بیورور؟

(وهو معهم اذیتون مالایرضی من القول) اونلر برطاقم حیللر دوشوندیلر، تدبیرلر، تزویرلر، درلودرلو فسادلر قوردیلر. ظن ایتدیلرکه اللهده طویمایه جک، یوزلرینه چارمایه جق... یوقسه الهی بیلن، علم الهینک شمول واحاطه سنه آگاه بولونان اويله مفسده جرات ایتمز. الهی انکار ایدن اونی یاپار. بونلرده کچنلرده بویله یاپدیلر. صورت حقندن کوروندیلر. درلو درلو حیللر قوردیلر. هرکسی بربرندن شبهه دوشوردیلر. آرایه خصومت القا ایتدیلر. نفر ضابطنی طایمازسه، افراد عسکریه کندی آمرلرینه انقیاد ایتیه جک درجهیه کلیرسه آرتق اوملتده سلامت قالیرمی؟ صوکر طبله لرده خوجه لرك علیهنده. بوراده پک دکلسه ده باشقه یرلرده اثر طبله لر بوفکرده ایتمش. برخیلیمی «اتحاد حمیدی» جمعیتنه داخل اولمشلر. خواجهلرینه اويله دیورلرلرلر:

— سز مرتدسکنز! ..

— نه دن آیول؟ اون سنه در بندن درس اوقودک. کیمدن اوکرنده، کیجه اعتراض ایدرسک؟ ..

بویله اکثر اعظم علمایی تهدید ایتدیلر: — سزده اتحاد محمدی یه کیره جکسکنز! ..

— الله، الله... اتحاد محمدی نایمش؟ یکی می مسلمان اوله جغز؟ محوسی ملکنده می یز؟ ..

مکرسه او اتحاد حمیدی ایتش!.. صرف اونک باؤه سیله دولابلر دونیورمش. ملعونلر! سلطان انبیایه افترا ایتدیلر. بوکا قاپیلان انسانده ادراک می وار؟ دیمک شیمدی یه قدر هرکس نعوذ بالله محوسی ایتش! شیمدی درویش و خدقی ملعونی اورته لخی مسلمان ایده جک، های ادب سز حریف! ..

حالبوکه مقصد باشقه. بونلر مقدمات. بر کره خلقک افکاری زهرلنکدر ایش. صوکرلری قولای. اويله اولمادی می یا؟ کیم اتحاد حمیدی یه داخل اولورسه یالکزمسلمان او. خارجده قالانلر محوسی، کافر؛ اونلری کسمک لازم. «شریعت ایسترز» دیه اورته یه چیتدیلر. نصل قارشو طوره سک؟ هرکس حیرته قالدی. برشی سویله جک اولبهک «دیمک سن شریعت ایسته منسک» دیه جکملر. نصل که دیدیلر. واو حیتلی معصوملری ظالمانه، غدارانه اولدوردیلر. باقی حیلله! کیجه وقتی فسادلرینی قورمشلر، «اذیتون مالا یرضی من القول» عبادالله محوینه یول آرارلر! ..

بهی شاشقین خائنلر! شریعت ایسته نیرمی؟ یوقسه ایشله نیرمی؟ واضع شریعت دیمش می بر یرده: — شریعت ایسته یک!؟ وارمی بویله آیت، حدیث؟ هی ملعون! شریعت ایسته نمز؛ شریعت ایشله نیر، نه ایسه حکمی اوکا متابعت اولور. هرکسک حقنی، حقوقی محافظه ایدر، یالان سویلر، کیمسه یه تعرض و افترا ایتمز، سرخوش اولماز، الله، پیغمبره، آمرلرینه اطاعت ایدر، نهیلرینه انقیاد کوسترر. ایسته شریعت بودر. یوقسه ملعتته واسطه قیلمق، فساده آلت ایتک، شریعتی ایاقلر الله آلمق... بو شریعت دکدر. هم شریعت ایستر، هم بری طرفدن معصوملری اولدورور، میخنلره قوشار. خائن! شریعت قان دوکله یی می امر ایدر؟ ملعون! شریعت «سرخوش اولک» می دیور؟.. دها نه لر، نه لر!.. مخدرات نسوانک البسه لرینی یرتمغه جرات ایتدیلر. نیچون؟

«یوزلری آچیمش، ایی اورتونمز لرلر! ..»

— به کافر سن البسه سنی یرتده، بتون بتون آچده. هم سن نه جی؟ بو مملکتک علماسی وار، ارکانی وار. نروده یز؟ چوله می یز؟ مرتبه مرتبه دکلی امر بالمعروف، نهی عن المنکر؟ احکام شرعیته نک اجرا آتی حکومت عا ندر. یولی کوسترمکده علمایه دوشر بروظیفه در. فتواخانه جلیله وار. دها باشقه وسائط وار. عاجزلری کبی علما، مشایخ وار. صورولور. صوکر ایجابی نه ایسه اجرا اولور.

— اما بن بعض مناسبتسز شیلر طویورم ... نیچون حکومت بونلری منع ایتمز؟ ..

هانکی زمانده بشریت جنایتدن، فضایلحدن تنزیه موجودیت ایدیه بیلیمش؛ بونلر یالکیز شیمدی می اولان شیلر؛ هرشیئک یولی وار، اصولی وار، هر زمان بر اولماز. دولتک حال وموقی دائما مساوی اولماز. بعض وقتلر اولور، حکومت جبر کوستره بیلیر، منعی لازم کلن شیلری منع ایدر. فقط بعضاده اولور سکوتی لازم کلیر. سیاست ماماشات اولور. قاش یا بهیم دیرکن کوز چیقاریلماز. هرشیئک یولی وار، زمانی وار. فتنه دن قورقورلورده چوق فناقلر منع اولونه ماز. فتنه کفر دن اشددر. شریعتک برجهتتی اجرا ایدیم دیرکن بیک درلو بلا چیقار. ایچمزه اجنیلرده وار. هر ایستدیکمزی بردن یا بهیمیز. براویغونسزلق کورورسه ک قلبک محزون اولسون. یوقسه دیلکله، الکه قاریشمایه جقسک. دیلیله علما، محررین؛ الیه امرای قاریشیر؛ اهالی یه دوشن وظیفه کال سکون واطمئنان ایله طوغرو یولدن آیریلماق در. برمناسبتسز شی کورونجه:

« بومنکر در، بن بونی منع ایدیه حکم » دیه مزر سک. چونکه سنک وظیفه ک دکل او. سن کندک ای اول، اولادینی کوزل تربیه ایتده باق صوکره هیچ فناق اولور می؟ سن کندی هوا کده کزرسک، رشوت، طولاندیر ییچلک هرشیئی ارتکاب ایدرسک، سفاهت یوللرینه باره یتشدیرمکه چالیشیرسک. بیچاره لک، کونده آلتش باره چیقارمیه جک زواللی چفتجیلرک قازاندقیرینک هان نصفی، بلکه دهافضله سنی آل، بوقفرا تریله وجوده کان پاره لری چک، بر فقیرک بر سنده قازاندیغنی سن برکیجه ده صرف ایت. اولادکک تربیه سنه باقه. هر درلو فناقلر ایچون سن اونلره رهبر اول. صوکراده:

— اما بعض مناسبتسز شیلر اولور، نه یا بهیم؟ ..

اومناسبتسز لکری یابان یا سن، یا اولادک. نیچون ولایاتده بوقدر فناق یوق؟ نیچون اورالرده بویله مناسبتسز لکرا اولماور؟ هپ بومناسبتسز لکرا استانبوله می طوپلانیور؟ چونکه اونلر آلنلرینک، پاک ناصیه لرینک تریله قازانیرلر، حلالدن یرلر، تمیز سود ایله اولادلرینی بسیرلر، بحق مسلمان تربیه سی ویررلر. صوکراده سلاحی الله ویرنجه اوکنه طاعلر طایانماز. نه غریب حالدر، عصرلردنبری شو استانبول منبع سفاهت اولمش.

بویله ایکن، بونلردن شکایتیه اک زیاده حق اولان اولسه اولسه زواللی طشره خلقی ایکن بیچاره لره هرشیئه قاتلانیرلر، هرشیئک یولیه اولسنی بکلیرلر؛ سن ایسه بوراده « شریعت ایستز » دیه اورتهیه چیق. کیمه آکلاتیرسک؟ عالی احمق می صانیرسک؟ آکلاشیلدی که بوندن صوکره ظلم وغدر اولمایه جق، حقسنزلق قالفه جق، ذوق وصفالره نهایت ویریله جک، هرکس مساواته مظهر

اوله جق... سنی قورقو آلدی. کندیکه کووه نه میورسک. خفیه لکدن باشقه الله نه اقتدارک وار، نه بر صنعتک. ائندیکزده جان چکیشیور.

— آمان بوایش بویله کیدرسه بزم حاملز نه اوله جق؟ نه کوشکلر قاله جق، نه ذوق وصفالر!

تلاشه دوشدیکز. کندی یایدیغکز فناقلری موصوملره. بیچاره لره یوکلتمک ایسته دیکز. ضابطائی، اوهربری برر غصنفر حیت، آتشاره جلادت اولان وطن یاورولرینی لکلمک ایسته دیکز. آکلادیکز که اونلر سزک حیات سفیهانه کزه خاتمه چکه جکلر. سزک حیوان کی قوللانق ایستدیککز بیچاره چفتجیلری یوندن صوکره سزک کیفکزه خدمت ایتدیرمیه جکلر. آلیشدیغکز، ائندککز آلیشیدر دینی ذوق وسفاهت عالملردن درکه، اصلیه کزه سقوط احتمال الیمی سزى دوشوندوردی. هر درلو فناقلره، ذهنلرک صیغمایه جفی جنایتلره سوق ایتدی. جاهلرلی قانیدر دیکز. صورت حقندن کورونه رک هر بریکز برر شریعت فدائیسى (!) اولدی. چونکه باشقه چاره قلمادی: یاستبداد، یا محو. ذاتاً بللی ایدی. نه قدر زماندنبری پلانلر قورولیوردی. واسطه ملعتن ایدیلن غزتلر اورتهلغه فتنه ونفاق آتشاری صاچیورلردی. هرشیئه اعتراض، هر نه یا پلسه خلاف شریعت... کویا اولدن بری هیچ بویله شیلر اولما یورمش. هپ بو فناقلری حریت کتیرمش. بوکا شکر ایتلی که حریت سایه سنده منافقلر، خائنلر بللی اولدی. اوکا کوره طورانیر، اونلره اوکا کوره امنیت ایدرز. بتون اطرافزی خائنلر صارمش. نه قدر حیتلی ظن ایتدیکمز آدملر برر وولقان، مفسدت ایمش. اللهه چوق شکر که بونلری میدانه چیقاردی. اسکیدن دور حمیدی ده بو فناقلر اولما یورمیدی؟ بلکه دهافضله. فقط کیمسه سس چیقارمیوردی. شیمدی هپ او یادکارلر خادم شریعت (!) اولدی. فسبحان الله.

واقعا بعض شیلر وار، بزده ایسته میز. بر طاق مناسبتسز لکلر اولور. اما یالکیز شیمدی دکل بو. اوتهدنبری علناً بر طاق منکرات ایشله نیوز. آخر زمان علامتی بونلر. هپسنى قالدیرم مازسک. نور نبوت اوزاقلاشدقچه ظلمت کیر اورتهلغه. عالی سندن صورمازلر. سنی سندن صوریور الله. شریعتی ایشله، بتون احکامنه تمامیه متابعت ایت. کوردیکک یولسنزلقلره ده: « یارب! بن بونلره راضی دکم... » دی کچ. اولادینی تربیه ایت مسلمانلغی، انسانلغی بحق اوکرت. باق صوکره فناق اولور می؟ بو نمکتک علماسی وار، امراسی وار. هرکس ایشله، کوجیه مشغول اولمالی. کیمسه کیمسه نك ایشنه قاریشمایه جق. مابعدی وار